

INFORMACIJI PEDAL VOLIČOS

O voličoas hino povino kana avela andro kidñipnaskero kher, pes anglo kidñipen presikhavel anglo okrskovo komisija peskero dženeskero ačhiben the thovel tele peskeri legitimacija. Kana sas le voličoske pre leskero mangavipen sthodo kidñipnaskeri legitimacija, thovel jekhetanes le peskere lagitimacijaha the kidñipnaskeri legitimacija, savi leske e okrskovo komisija zamukhela.

Pa'is e okrskovo komisija zakarekinela voličoskero numeros andro zoznamos the dela leske kidñipnaskere l'itora the čuči kopertka le uradoskero cajchociha. **Kana o voličos peske lela kidñipnaskere l'itora the kopertka, mušinel andro kidñipnaskero zoznamos pes te podpisinel.**

Dojekh voličis mušinel anglal kidñipen te džal andro averthodo than, so hino skerdo ča pro kidñipen. Le voličis, so na džala pre oda than, e komisija na mukhela te kidel avri.

Andro avrethodo than pro kidñipen, so pen prikerkeren o kidñipnaskere l'itora, o voličos peske kidela jekh kidñipnaskero l'iloro oles kandidates, kaske kamel te del peskero hlasos. Ada kidñipnaskero l'iloro šaj thovel bijo aver prikeriben andre kopertka **vaj** pro avrikidno kidñipnaskero l'iloro šaj zakarekinel numeros peskere kandidates, saveske del angl'ipen. O voličos šaj zakarekinel nabuter sar štaren kandidaten. Kana o voličis zakarekinela buter sar štar kandidaten, ajso kidñipnaskero l'iloro pes rachinela pro lačhipen le kandidatoneske subjektoske, a'le pedal angl'ipen le kandidatenge pes na zadikhelkerla.

Pedal voličiskero mangipen šaj e okrskovo komisija del aver kidñipnaskero l'iloro kana o voličos mosarela jekhto l'iloro. Mosarde kidñipnaskere l'itora thovela o voličos andre urna pedal žuže kidñipnaskere vaj naprikerde kidñipnaskere l'itora.

O voličis, sar našti korkoro prikerel e avrikidñipnaskeri kartkica predalo teštoskeri, /sa'ipnaskeri chiba, vaj vaš o da hoj našti genel, vaj te lekhavel/irinel a phenela pal ad'i situacija mek sigeder sar podhazdela la okrskovake avrikidñipnaskera komisijake, šaj lel peha aver manušes pro osobitno than kaj pes prikeren o avrikidñipnaskere kartki. Oda aver manuš musaj te jel sposobilo, u kerela avke sar chudel o pokini jekhetane le zakonoha prikerel e avrikidñipnaskeri kartkica u thovela la andre kopertka. Sa oduj džane sik'ona jekhe dženestar andale okrskovo komisija mek sigeder sar džana pro osobitno than kaj pes prikeren o avrikidñipnaskere kartkici. O členos okrskovo avrikidñipnaskera komisijatar len sikavela sar teden peskero lav/ sar avritekiden u the palo skutkos trestno činos te zmosarena o avrikidñipnaskero čiros u the pal o trestno keribena avrikidñipnaskera korupcijaha. **Džene andal e volebno komisija našti prikerkeren le voličenge o avrikidñipnaskere kartkici.**

Vaš o voličis la teštoskera chibaha, so našti thovel korkoro e kopertka andre avrikidñipnaskeri baksica, šaj te mangel aver voličis mi thovel vaš leste, a'le na o dženo la okrskovo avrikidñipnaskera komisijatar.

O voličis, sar našti avel andre avrikidñipnaskero kher andalo zavažna, jekhbuter sast'ipnaskere dovody, hin les čačipen te mangel gaveskero urados kaj pre avrikidñipnaskero d'ives e okrskovo avrikidñipnaskeri komisija mi kerel o hazdñipen andre hordind'i avrikidñipnaskeri baksica, u oda šaj ča pro phuva andro obvodos avrikidñipnaskereskero okrskos, pre savo sas sthodži e okrskovo avrikidñipnaskeri komisija.

O voličis musaj te odthovel o kartky biprikeribena vaj namištes prikerde avrikidñipnaskere kartki andre zapečaťimen baksica predalo na prikerde, abo namištes prikerde avrikidñipnaskere kartki, inakšones kerela prjestupkos, vaš savo chudela e pokuta 33 euri. Te pes nakerla avrikidñipen andre avrikidñipnaskero kher, o voličis namištes prikerde kartki abo kartki bial o prikeribena, čingerla len anglo jakha le dženenge andale okrskovo komisija.